

Broj: 10-14/5-219-13-7 /17
Sarajevo, 13.04.2017. godine

Na osnovu člana 64. stav (1) tačka (a) i člana 70. st. (1), (3) i (6) Zakona o javnim nabavkama BiH („Službeni glasnik BiH”, broj 39/14), (u daljem tekstu: Zakon) federalni ministar poljoprivrede, vodoprivrede i šumarstva, d o n o s i

O D L U K U
o izboru najpovoljnijeg ponuđača za pružanje usluga održavanja
IT infrastrukture Datacentra na lokaciji Butmirska cesta 40.

Član 1.

Na osnovu provedenog postupka sa objavom Obavještenja na portalu Javnih nabavki prihvata se preporuka Stalne komisije za javne nabavke broj: 10-14/5-439/17 od 17.02.2017. godine i ugovor pružanje usluga održavanja IT infrastrukture Datacentra, dodjeljuje se ponuđaču "KING IC" d.o.o. Sarajevo za ponudu u iznosu od 39.600,00 KM bez PDV-a.

Član 2.

U skladu sa članom 89. stav (3) Zakona ugovor o nabavci dostavit će se ponuđaču iz člana 1. ove Odluke najkasnije 10 dana od dana okončanja postupka javne nabavke.

Član 3.

Ova Odluka bit će objavljena na službenoj internetskoj stranici Federalnog ministra poljoprivrede, vodoprivrede i šumarstva, www.fmpvs.ba i dostavit će se ponuđaču koji je učestvovao u postupku javne nabavke, u skladu sa članom 70. stav (6) Zakona.

Uz ovu Odluku ponuđaču koji je učestvovao u postupku javne nabavke izvršiće se dostavljanje i Zapisnika o pregledu i ocjeni ponude u skladu sa članom 71. stav (2) Zakona u roku od 7 (sedam) dana od dana donošenja.

Član 4.

Za realizaciju ove Odluke zadužuje se Sektor za finansije i računovodstvo.

Član 5.

Ova Odluka stupa na snagu danom donošenja.

O b r a z l o ž e n j e

Federalno ministarstvo poljoprivrede, vodoprivrede i šumarstva donijelo je Odluku o pokretanju postupka javne nabavke broj: 10-14/5-219-13/17 od 21.03.2017. godine za pružanje usluga održavanja IT infrastrukture Datacentra. Javna nabavka je provedena po konkurentskom zahtjevu za dostavu ponuda u skladu sa članom 88. Zakona.

Procjenjena vrijednost javne nabavke:

- pružanje usluga održavanja IT infrastrukture Datacentra iznosi 40.000,00 KM bez PDV-a.

Objavještenje o nabavci objavljeno je na portalu EJN 27.03.2017. godine pod brojem: 855-7-2-13-3-14/17 od 27.03.2017.godine.

Do krajnjeg roka utvrđenog u Zahtjevu za dostavu ponude, tj. do 07.03.2017. godine do 10:00 sati pristigla je 1 (jedna) ponuda ponuđača: "KING IC" d.o.o. Sarajevo u iznosu od 39.600,00 KM bez PDV-a.

Dostavljena ponuda "KING IC" d.o.o. Sarajevo, zadovoljava uslove iz tenderske dokumentacije broj:10-14/5-219-13-1/17.

Postupajući po pristiglim ponudama Ugovorni organ je donio Odluku o izboru najpovoljnijeg ponuđača "KING IC" d.o.o. Sarajevo u iznosu od 39.600,00 KM bez PDV-a.

U postupku donošenja ove odluke, posebno su cijenjene činjenice da je Stalna komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz tenderske dokumentacije.

U provedenom postupku nisu nađene nepravilnosti niti propusti u radu, koji bi eventualno bili osnov za neprihvatanje preporuke Komisije za nabavku usluga - pružanje usluga održavanja IT infrastrukture Datacentra.

Naime, u postupku je ocijenjeno da je Stalna komisija u svemu pravilno postupila te je preporuka za izbor najpovoljnijeg ponuđača dana u skladu sa Zakonom, podzakonskim aktima i tenderskom dokumentacijom.

Na osnovu činjenica utvrđenih u postupku pregleda i ocjene ponuda, a primjenom člana 64. stav (1) tačka b) Zakona o javnim nabavkama kao najpovoljniji ponuđač izabran je "KING IC" d.o.o. Sarajevo za ponudu u iznosu od 39.600,00 KM bez PDV-a.

Uzimajući u obzir naprijed navedeno, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem Federalnog ministarstva poljoprivrede, vodoprivrede i šumarstva, u roku od 5 (pet) dana od dana prijema ove Odluke i to u pisanoj formi i u dovoljnom broju primjeraka a koji ne može biti manji od tri.

Dostaviti:

- "KING IC" d.o.o. Sarajevo
- a/a.


MINISTAR
mr.sc. Semsudin Dedić